

եւ անկախութեամբ վարիլ . և 'ի սկզբանէ որպիսի օրինակաւ կանթեղս կախեալ և զօրէնս կատարեալ իցեն եւ իւրաքանչիւր ոք 'ի սեփհական դրանց իւրեանց ել և մուտարարեալ իցեն , դարձեալ ըստ վագեմի սովորութեան արասցեն . և մի լինիցին իրաւանց և անգետաց միմեանց ձեռնամուխ , բառնալով զպատճառս բանակուութեանց եւ վիճմանց : Եւ յետ կարգաւորելոյ զայս ամենայն բացայայտ և ընդարձակ մանրամասն գրով ծանուցանել 'ի Դուռն , զի տրձանագրեսցի 'ի Դիւանս » : Վերջ Մուհարիմ , 1709 :

Ի հասանիլ այսր հրովարտակի յերուսաղէմ՝ կազմեցաւ ժողով 'ի Դատարանի առաջի մեծամեծացն այլազգեաց , ուր էին նաև Գլխաւորք միաբանութեան Հայոց և Յունաց , և ամենեքեան լուեալ զհրաման մեծի Յրքայցին , խոնարհեցան 'ի նշան հնազանդութեան : Եւ զկնի աւուրց ելեալ զնացին բազմութեամբ 'ի զիւզն Բեթղեհէմ , և յեկեղեցւոջ անդ վերստին կազմեցաւ ժողով մեծ , եւ դարձեալ ընթերցան զհրովարտակն , եւ ծանուցին զխնաստս նորին երկաքանչիւր ազգաց , ապա խնդրեցին 'ի Հայոց զառաջին հրովարտակս , ընթերցան և զայնս , խնդրեցին և ըզՅունացն , այլ նոքա ոչ ետուն , պատճառելով թէ հրովարտակք իւրեանց են յերուսաղէմ : Յետ այնորիկ հրամանս ետուն Հայոց կախել կանթեղս 'ի վերայ երկօքին շրթայից , զոր եղեալ էր յառաջագոյն 'ի հիւսիսակողմն 'ի բաժանին Հայոց , բանալ և փակել զպատուհանս՝ անդ , զոր արգելեալ էին Յոյնք , քակել և զերկար աստիճանս , զոր շինեալ էին 'ի հարաւ և 'ի հիւսիս , բառնալ զկանթեղս 'ի սիւնազարդ սրահէն , տալ զմի բանալի արտաքին երկաթեայ դրան 'ի դորձադրութիւն Հայոց : Եւ յետ կատարելոյ զայստիկ իբրեւ մերձեցան քակել և փոխել զփականս հիւսիսային դրան եկեղեցւոյն Հայոց , լինել սեփհական նոցին , աղմկեալ Յունաց աղաղակ բարձին եւ յարուցին խռովութիւն մեծ . մինչեւ ձանձրանալ Դատաւորաց եւ անկատար թողուլ զգործն , զի տակաւին պահանջէին Հայք զամբողջ գործադրութիւն հրովարտակին , խնդրէին անպատճառ զբանալի հիւսիսային դրան միայն ինքեանց սեփհական , և 'ի սիւնազարդ սրահն կախել կանթեղս , դնել պատկերս եւ կանթեղս 'ի վերայ փայտեայ դրան , աւել